

周
官
心
解

周官心解卷第八

諸暨楊莊蔣載康闢訂

受業

甥顧大治

校刊

地官司徒第二之三

○鄉師之職各掌其所治鄉之教而聽其治

疏鄉大夫以下至比長各

聽斷其民鄉師又聽其治恐濫失平察之按鄉師四
人鄉有六各掌一鄉有半此專指教事說惟及六鄉

以國比之灋以時稽其夫家眾寡辨其老幼貴賤廢疾馬

牛之物辨其可任者與其施舍者掌其戒令糾禁聽其

獄訟

此統數內當役者司徒主徒鄉師其攷也故平時
所掌如此國比之灋即小司徒之九比眾家七人

六人五人寡合餘夫乃得充七人六人五人之數者夫家卽夫婦有夫婦乃成家也可任者卽上地家三人之類施舍卽貴賤老幼及馬牛不任乘用者戒令糾禁亦小司徒祭祀飲食喪紀之類獄訟卽小司徒民訟地訟等

大役則帥民徒而至治其政令既役則受州里之役要以

攷司空之辟以逆其役事

辟音壁。疏大役者謂築作隄防城郭等役也按州州長

所統里縣正所統兼旬民役及三采亦當準此役要州里所送民徒之簿書辟司徒所定功作章程逆猶鉤攷也

凡邦事合作秩敘邦事營作征行皆是敘功次食之多少功之次敘皆計而作之令無冗濫不給不中式程不就約束也

大祭祀羞牛牲共茅蒹

蒹子都反一子餘反。大司徒奉牛牲羞其肆此則羞腥爛也蒹蒹

也。以茅蒹祭物士虞禮。苴刈茅長五寸束之祝設于几東席上命佐食取黍稷祭于苴三取膚祭祭如初既祭束而去之疏甸師共蕭茅彼共茅鄉師束而切之長五寸立之祭前以蕭祭故云茅蒹

大軍旅會同正治其徒役與其輦輦戮其犯命者

輦九玉反輦里

演反。註輦駕馬輦人挽行以載任器司馬法夏輦曰

余車殷曰胡奴車周曰輜輦輦一斧一斤一盤一捭一

鋤周加二板二築夏二十人而輦殷十八人而輦

周十五人而輦按此正治及戮亦該廣不專鄉民

大喪用役則帥其民而至遂治之

註治監督其事疏大喪用役若輓六引按各帥

一鄉有半

○及葬執纛以與匠師御匱而治役

音舊同柩。纛桃報反匱

此兼遂甸民鄉主六糾遂主六紼註匠師事官之屬於司空若鄉師之於司徒鄉師主役匠師主眾匠共主葬

引雜記升正柩諸侯執紼五百人四紼皆銜枚司馬執
鐸左八人右八人匠人執轡以御柩天子六引禮依此
云鄭司農云轡羽葆幢也爾雅蓋翳也指揮輓輓之役
正行列進退按雜記所謂匠人即匠師匠人執轡與鄉
師同○及窆執斧以涖匠師窆彼驗反註匠師主豐碑
事執斧以涖之使戒其事鄭
司農云窆葬下棺也春
秋傳日中而壙泣臨視

凡四時之田前期出田澆于州里備其鼓鐸旗物兵器脩
其卒伍正義竭作鼓鐸旗物兵器
及卒伍部分皆在田澆○及期以司徒之大

旗致眾庶而陳之以旗物辨鄉邑而治其政令刑禁巡

其前後之中而戮其犯命者斷其爭禽之訟斷丁亂反
鄉師者

司徒之攷故以司徒之大旗致民司徒大旗幢也鄉六
鄉邑遂邑甸邑及三采之邑旗物各畫號名使各識旗

物令部分井井也。斷爭禽之訟是既田後事。

凡四時之徵令有常者以木鐸徇于市朝。

朝直遙反。惟田與役有徵令。

有常者田則蒐苗獮狩皆竭作役則以次調發而已。徇兼市朝警眾庶亦戒在官。

○以歲時巡

國及野而賙萬民之糴阨以王命施惠。

糴古艱字。註歲時者隨其事。

之時不必四時也。糴阨饑乏。鄭司農云。賙讀為周。急之周。按疾病死喪亦當施惠其事則司救掌之。國國中野遠近郊及甸地鄉師掌鄉兼及甸地施惠地近遂亦從鄉。

歲終則攷六鄉之治以詔廢置。正歲稽其鄉器比其吉凶。

二服閭共祭器。族共喪器。黨共射器。州共賓器。鄉共吉

凶禮樂之器。

比毗志反。此又專據六鄉以教。惟詳于六鄉也。下大比放此註。吉服祭服凶服弔。

服比長主集爲之愚謂當主喪服又曰祭器者簠簋鼎俎之屬閭胥主集爲之喪器者夷槃素俎楬豆軋軸之屬族師主集爲之按喪祭民生大事不可不盡禮恐民不能備物而廢禮故官主集爲之此周家之治所由與唐虞比隆也又曰射器者弓矢楅中之屬黨正主集爲之爲州長或射于此黨賓器者尊俎笙瑟之屬州長主集爲之爲鄉大夫或賓賢能于此州吉器若閭祭器凶器若族喪器禮樂之器若州黨賓射之器鄉大夫備集此四者愚謂四器備於下而鄉師復稽此欲六鄉之眾吉凶禮樂一一由禮而人盡賢能也正歲稽器爲歲終攷治地也正歲事反敘終歲之下劉歆易置也宜轉易以復經文之舊若國大比則攷教

察辭稽器展事以詔誅賞

比必里反。李茂夫曰上正歲稽器歲終攷治此則大比

之時鄭剛中曰攷教則察其辭稽器則展其事設教而辭不逆理制器而事不廢常是守職可賞者也教廢頒于上而爲非聖之言器用制于鄉而有不舉之禮是曠職可誅者也攷詔誅賞不特詔廢置而已按詔告司徒

也司徒據此仍告王及冢宰以大比即大計六官各比其職而上諸冢宰冢宰合而計之以詔王誅賞廢置也
○鄉大夫之職各掌其鄉之政教禁令六鄉之地由王城中極于五十里近郊以近郊爲界者下所登及野故鄭司農云萬二千五百家爲鄉

正月之吉受教灋于司徒退而頒之于其鄉吏使各以教

其所治以攷其德行察其道藝

行下孟反下皆同。註鄉吏州長以下按德三

德行六行道藝六藝司徒教灋也令鄉吏分掌教灋又時加攷察期大比所與各得其實也以下黨正書德行道藝族師書孝弟睦婣有學閭胥書敬敏任恤皆以攷察得之

以歲時登其夫家之眾寡辨其可任者國中自七尺以及

六十野自六尺以及六十有五皆征之其舍者國中貴

者賢者能者服公事者老者疾者皆舍以歲時入其書

登書之冊卽歲時所入之書七尺年二十者六尺年十五者國中晚征而早免以其爲士庶子戰則乘車爲甲士若郊邑之民則伍兩卒旅之徒卒故野早征而晚免也當征者登當舍亦登歲時入于司徒俾鄉師以時稽之也國中王城中野城外至近郊

三年則大比攷其德行道藝而興賢者能者鄉老及鄉大

夫帥其吏與其眾寡以禮禮賓之比必里反。以其品堪爲公卿大夫士故

曰賢以其才堪爲鄉公大夫州長黨正族師閭胥比長故曰能眾寡鄉人皆在以禮禮賓之以鄉飲酒之禮禮而賓之鄉老鄉公○厥明鄉老及鄉大夫羣吏獻賢能吏州長至比長

之書于王王再拜受之登于天府內史貳之厥明賓之明日獻猶

進王拜受重得賢能入其書于天府同于祖廟之寶藏
內史貳其書者內史掌以八柄詔王王授爵祿掌書王
命使馮此○退而以鄉射之禮五物詢眾庶。一曰和二
以官之也。

曰容三曰主皮四曰和容五曰興舞

疏退者獻賢能之書于王退來鄉內

按鄉射之禮州長春秋習射之禮先行鄉飲之禮者鄉
大夫既獻賢能更欲教賢能以獻乃舉此禮以合眾庶
而詢此五事之善也州序習射此五州所教之士故以
射試其善而取之五物未能備善備善者爲上和者揖
讓雍容射皆愿中而又比禮比樂無勉強之迹德藝皆
美故居第一容能容物射時儀度皆善即藝有未精爲
人所勝而喜怒不形不改常度足徵所養故居第二主
皮非即主皮之射比辭射時容體皆未善而發必中的
堪澤宮頒獲之選故居第三和容者射藝甚劣屢不能
勝頻飲罰酒而愠怒不形揖讓雍容不改常度足徵素
養故居第四舞弓矢之舞德藝未優者射時無善可取
而試之以弓矢舞而容節皆比禮樂取之可以興起學

士六樂之大舞，故居第五。主皮之射，田獵後射于澤，以頒餘獲，不樹侯，而但張皮以射，勝者再射，不勝者降，但取能中而已。此以鄉射之禮射禮射也。禮射而僅曰主皮，謂其但能中而不足于禮樂也。或以貫革言之，尤與情事相遠。○此謂使民興賢，出使長之，使民興能，入使治之。長知丈反。詢之眾庶，而後教之。鄉校以成其賢能，異日興而獻之，非鄉大夫一人之私也。乃使民自興舉賢能也。出長入治，更後日事出入，皆就鄉說。此賢能就一人說，賢德可尊，在朝為公孤卿大夫士，居鄉民之上也。小宰六計，二曰廉能，止弊教職之法，以治徒眾事，煩須才能也。居官者，家仍在鄉，退朝家居，仍使治此鄉民。公即為鄉公卿，即為鄉大夫。中大夫為州長，下大夫為黨正，上士為族師，中士為閭胥，下士為比長，以治鄉民。貢賦田役事也。註書曰：天聰明自我民聰明，天明威自我民明威。老子曰：聖人無常心，以百姓心為心。如是則古今未有遺民而可為治。

歲終則令六鄉之吏皆會政致事正歲令羣吏攷灋于司徒以退各憲之于其所治會古外反。大司徒攷灋正月所受此正歲所攷之灋即小司徒正歲所憲教灋之象或恐未審又攷諸司徒以備歲終正治致事各憲于所治示其屬以飭之正歲事在歲終之後又劉歆所易宜轉易以復經文之舊

國大詢于眾庶則各帥其鄉之眾寡而致于朝註大詢者

國遷詢立君按議刑三刺一詢羣民二詢羣吏三詢萬民亦帥鄉民而致于朝疏朝外朝三槐九棘之所

國有大故則令民各守其閭以待政令大故災變寇戎大喪等警急須人故

使民各守其閭待政令俟調發民各守其閭則一呼而萬眾立至允善制也按秋官修閭氏國有故令守閭互惟執節不幾則閭各自守嚴備之義亦自兼之○以旌節輔令則達之註民以徵令行

將之無節則不得通按令司馬之令以旌節輔馮信也疏國大故恐有姦寇故爾

○州長各掌其州之教治政令之灋長知丈反。王城中九州近郊二十一州

鄭司農云二千五百家爲州

正月之吉各屬其州之民而讀灋以攷其德行道藝而勸

之以糾其過惡而戒之屬音燭下同行下孟反。屬合聚灋卽教灋三物以勸八刑以

戒卽教灋所具者正月讀灋下春秋二社各一讀正歲又讀州長凡四讀灋攷其德行道藝而勸之令循三物

糾其過惡而戒之令免八刑○若以歲時祭祀州社則屬其民而讀

灋亦如之春秋以禮會民而射于州序會如字。註序州學也疏春秋所

膏雨望穀豐熟秋以豐稔報功故祭祀州社也春秋會民射于州序州長二時會聚其民而行射禮于州之序

言以禮先行鄉飲酒禮乃射也按亦如之如正月勸戒也

凡州之大祭祀大喪皆泣其事

註大祭祀州社稷大喪鄉老鄉大夫于是卒者蒞臨

也

若國作民而師田行役之事則帥而致之掌其戒令與其

賞罰

註掌其戒令賞罰于軍爲師帥疏師征伐田田獵行巡狩役役作

歲終則會其州之政令正歲則讀教灋如初

會古外反。正月讀之至

正歲猶復讀之如初亦勸戒之如正月所讀正歲八字宜在先歲終九字宜在後亦劉歆妄易

三年大比則大攷州里以贊鄉大夫廢興

比必里反。鄭司農曰贊助也

按不曰誅賞而曰廢興興賢能廢愚不肖鄉大夫所主誅賞則王與冢宰司徒主之也

○黨正各掌其黨之政令教治

鄭司農曰五百家為黨

及四時之孟月吉日則屬民而讀邦灋以糾戒之

屬音燭下同

註以四孟之月朔日讀灋彌親民於教亦彌數按三月

一讀益以春秋二讀則六讀邦灋曰邦灋不止于教灋

一年政令

○春秋祭禘亦如之

祭禘敬反。註祭零祭水旱之神為壇位如祭

社稷按亦如之亦

讀邦灋亦糾戒也

國索鬼神而祭祀則以禮屬民而飲酒于序以正齒位。一

命齒于鄉里再命齒于父族三命而不齒

國索鬼神而祭祀蜡祭于

建亥之月五十六十七十八十九十者齒也一命再命

三命者位也正之者位與齒或相妨此飲禮以齒高者

為賓次為介為三賓眾賓五十立侍六十三豆七十四

豆八十五豆九十六豆得先入獻酢若有爵者大夫樂

作不入士既族不入入亦不干正禮其位則一命者以年與眾賓相次再命者父族有為賓者以年與之相次異姓雖有老者居于其上上位至三命席于尊東雖父族年踰之者亦得居于其上如此則貴年貴爵各適其宜而不相妨所謂正齒位也第言三命三命以土可知蜡祭之禮行于農事已畢百物有功者皆報之故曰國索鬼神也

凡其黨之祭祀喪紀昏冠飲酒教其禮事掌其禁戒冠古玩反

。疏此並是民之所行黨正教其禮事因戒令督禁之

凡作民而師田行役則以其灋治其政事

歲終則會其黨政師其吏而致事會古外反。疏帥族師以下致所掌事于州長

按此節十三字當在歲時泣校比之下正歲屬民讀灋而書其德行道藝

黨正書之以上州長令教于州序者全書德行道藝優
于族師所書必正歲書之歲終致事時乃上于黨正也
此及下節六字當在歲終節之前亦劉歆妄易

以歲時涖校比

比必里反。註涖臨也。鄭司農云校比族師以時屬民校登族之夫家眾寡辨其貴

賤老幼廢疾可任者及六畜車輦

○及大比亦如之

○族師各掌其族之戒令政事

鄭司農云百家為族

月吉則屬民而讀邦灋書其孝弟睦姻有學者

屬音燭下同。註月

吉每月朔日按又數於黨正十二月每月一讀下又二讀凡十四讀灋所書孝弟睦姻即閭胥書其敬敏任恤而上之者則六行已備矣書有學則六藝亦可觀此又將上之黨正以教于庠者每月吉必書知考察至勤

○春秋祭酺亦如之

酺音步。註酺人物叅害之神按酺即步校人職冬祭馬步是也蟪

填之醕人鬼之步恐爲害故祭之祭醕族眾合聚故有讀灋等事亦如之亦讀灋亦書其孝弟睦姻有學也百家爲族五比爲閭考察易詳立教又以敦行爲重閭書任恤族書孝弟睦姻飾僞安得與賢能之選乎

以邦比之灋帥四閭之吏以時屬民而校登其族之夫家

眾寡辨其貴賤老幼廢疾可任者及其六畜車輦

比毗志反

。四閭之吏閭胥四比長二十此正黨正所蒞以校比者校而登之簿書以爲師田行役調發邸本各家眾寡不同掌二十五家之閭胥數而辨之此百家之族師又校其數之辨之者而登之後此鄉大夫之所登據此也

五家爲比十家爲聯五人爲伍十人爲聯四閭爲族八閭爲聯使之相保相受刑罰慶賞相及相共以受邦職以

役國事以相葬埋

比毗志反。邱氏曰：既以伍灋比其居，又以什灋聯其居，履云五人為伍。

十人為聯，明軍灋自此出也。相保是見居者保之，相受是新徙者受之，刑罰相及相共，則惡者同惡而無所比。慶賞相及相共，則善者同好而無所蔽。按五家相保，五比相受，四閭則相葬埋也。邦職即役事之職，此正以邦比之灋按登而比之者。

若作民而師田行役，則合其卒伍，簡其兵器，以鼓鐸旗物。

帥而至，掌其治令，戒禁刑罰。

平時八閭為聯，作民則合其卒，平居十家為聯，作民

則合其伍，族師合之，令相救相佐助也。

○歲終，則會政致事。

會古外反。上之黨正。

○閭胥各掌其閭之徵令。

鄭司農曰：二十五家為閭，按徵令即師田行役所徵。

以歲時各數其閭之眾寡，辨其施舍。凡春秋之祭祀役政。

喪紀之數聚眾庶既比則讀灋書其敬敏任恤者主反色

比必里反下同。註祭祀州社黨祭族酬按役田獵及功役政若鄉飲詢眾庶及州射黨飲酒喪紀大喪之事四者皆會聚眾民因以讀灋任恤六行之末然敬則自待不苟德行道藝必求其備敏則稟資英特德行道藝必求之勤書而上之族亦將來賢能之選也黃氏曰以祭祀聚則讀祭祀之灋以役政聚則讀役政之灋以喪紀聚則讀喪紀之灋此說存參

凡事掌其比觥撻罰之事

觥古橫反撻吐達反。註觥撻失禮之罰觥用酒以兕角爲之

撻扑也按禮飲有觥罰禮射有撻罰凡比皆有觥撻知比時胥彬彬禮讓矣民安得不日進于善乎閭第二十五家閭胥掌其觥撻更知督察至周

○比長

比毗至反下同五家爲比

各掌其比之治

比長下士僅師五家不及大政然切

而按之其職正煩大司徒頒之鄉吏比長亦吏也知掌
五家之勸戒矣而歲時之按登必由比始六畜車輦兵
器之簡稽必由比始州長以下正月四孟月吉之讀灋
冠昏喪紀祭祀之禮事師田行役之作民及歲終致事
三歲大比切而按之皆比長所當治也如以爲
不然觀後鄰長文凡邑中之事相贊可知矣○五家
相受相和親有皐奇衰則相及○皐本亦作罪衰似嗟反
崩壞相寄託相和親者五家有不和親
使之自相和親有皐惡相及欲使不犯

徙于國中及郊則從而授之

此國中四郊同在一鄉者同屬一鄉大夫政令通比長從

其人授所處之吏使知無皐惡

○若徙于他則爲之旌節而行之

註徙于他

出居異鄉也授

之者有節乃達○若無授無節則唯圍土內之

內音納無授

無節或皐惡逃亡故圍土內之繫之圍土以俟攻察斷罪也圍土獄城

○封人掌設王之社壇爲畿封而樹之

註蟠壇增培也畿上有封若今時界

疏言壇不云壇舉外以見內鄉剛中曰小宗伯建國之神位右社稷左宗廟則有社而稷從之封人所設之社壇謂地所以不立稷也按大元兆域廣特爲畿封若社稷在朝右者但爲壇已耳不得有畿封也此祭地北郊也設社壇而不兼稷稷不立壇也此爲大元統天下五土之元者惟天子得立而祭之故係之以王而曰王之社壇見非諸侯有國大夫有家之所得立也封人雖上士而其職甚尊故王者封國造都邑特掌其社事而邦國都鄙之統於王社亦可見矣王社以下社皆兼稷無論侯國之社大小都家邑公邑州社里社無不有稷籍田之社亦王所祭也謂之田主則有稷矣社之甚尊者莫如大社居廟右而小宗伯立之者也然而大社大稷東西並列則雖尊于邦家諸元而終不得並于大元灼然也

凡封國設其社稷之壇封其四疆

疏禹貢徐州貢五色土孔註王者封五色土爲

社建諸侯各割其方色土與之使立社燕以黃土苴以白茅是封諸侯立社稷之法也按社稷侯國左祖右社之社稷也四疆國邊境陳氏曰祭社必及稷社配以句龍稷配以柱商時易柱以棄○造都邑

之封域者亦如之

此據王畿之都邑言非邦國都邑也疏都邑大都小都家邑三等采地按

亦如之者亦如諸侯設社稷封四疆也

令社稷之職

註令諸有職事于社稷者也郊特牲唯爲社事單出里唯爲社田國人畢出唯爲社邱乘

共粢盛

凡祭祀飾其牛牲設其楅衡置其絃共其水橐

楅音福絃音雉本又

作紃持忍反橐古老反。飾如飾羔雁以纁鄭司農曰絃牛鼻繩今謂之雉註楅設于角衡設于鼻如椹狀也水橐給殺時洗薦牲疏云凡廣之按○歌舞牲及毛凡祭祀以下二十六字疑是充人錯簡

炮之豚。炮薄交反。註君牽牲入，隨歌舞之，言肥香以歆神。毛炮豚者，燬去其毛而炮之。按言及亦歌之舞。

凡喪紀賓客軍旅大盟，則飾其牛牲。此為大盟飾牛牲也。

旅亦然。賓客之盟，則因朝覲宗遇會同大盟。王自臨之，惟喪紀王世子臨之。殺牛以盟，告明神，故牲加飾也。不然，喪紀去飾。賓客軍旅，牛非獻神者，安用飾之邪？疏：軍旅殺牲，謂饗獻軍吏大盟。天子親往臨盟，按此十四字，疑是牛人錯簡。

○鼓人掌教六鼓四金之音聲，以節聲樂，以和軍旅，以正

田役。人疑當作師。春官鍾師疑當作鼓人。教鼓兼教金。金從鼓節也。單出曰聲，雜比曰音。五聲之節在金鼓，故以節聲樂。師克在和，金鼓聲不失節，斯聞者心和。故以和軍旅。田役坐作進退，皆從鼓鐸諸聲，故以正田

司馬小軍。地官。封人。鼓人。一。二。臣。臣。臣。

役鼓師所教則統用鼓諸事教之

此及舞師二職疑當入春官

教為鼓而辨其聲用

註辨聲用別其聲所用之事鄭剛中曰教為鼓者教釋人為之 ○以

雷鼓鼓神祀

以下皆教事註雷鼓八面鼓愚謂當六面以祀天樂六變也

○以靈鼓

鼓社祭

註靈鼓六面鼓愚謂當八面以祭地樂八變也社即北郊王之社壇大戴禮陽氣為精陰氣為

靈示陰故以靈名鼓

○以路鼓鼓鬼享

註路鼓四面鼓也鬼享享宗廟

○以鼗鼓

鼓軍事

鼗扶云反。註鼓鼓長八尺

○以鞀鼓鼓役事

鞀音羔。註鞀鼓長丈二

尺

○以晉鼓鼓金奏

註晉鼓長六尺六寸按金奏擊大鐘以奏樂鐘人以鐘鼓奏九夏是

也

○以金鐃和鼓

註鐃鐃于也圖如碓頭大上小下樂作鳴之與鼓相和

○以金

鐃節鼓

註鐃也形如小鐘軍行鳴之以為鼓節按司馬職公司馬執鐃鼓行鳴鐃是以鐃節鼓也

○以金鑊止鼓

註鑊如鈴無舌有秉執而鳴之以止擊鼓按司馬職卒長執鑊鳴鑊且卻軍退

不擊鼓是以鑊止鼓也

○以金鐸通鼓

註鐸大鈴也按鐸有振司馬職兩司馬執鐸司馬振

鐸振則羣吏作旗車徒皆作而鼓行撻則羣吏弊旗車徒皆坐而又三鼓是以鐸通鼓也

凡祭祀百物之神鼓兵舞帔舞者

帔音弗。二舞見下舞師百物之神物魁也舞

師兵舞舞山川之祭祀帔舞舞社稷之祭祀此祭祀百物之神用之或兵舞以示捍禦帔舞以明祓除用鼓伐鼓之義亦舞師帥舞徒以舞也互見可知祭祀百物之神言凡見舞時無不用鼓也

凡軍旅夜鼓鼙

鼙干歷反。註鼙夜戒守鼓也司馬法昏鼓四通為大鼙夜半三通為晨戒旦明五

通為發响疏鼙聲同憂戚取軍中憂懼之意晨响時常發為發响

○軍動則鼓其眾

軍動

將臨陳時作士氣

○田役亦如之

夜亦鼓鼙軍動亦鼓其眾也疏田獵圍合擊鼓象對敵大

司馬職鼓

遂圍禁

救日月則詔王鼓救日當擊雷鼓救月當擊靈鼓

大喪則詔大僕鼓大僕音泰。註始崩及窆時也。王光遠曰自雷鼓至通鼓則鼓人所辨自凡

祭祀至亦如之則鼓人所鼓自救日月至大僕鼓則鼓人所詔按鼓人人字皆當作師所詔路鼓也

○舞師掌教兵舞帥而舞山川之祭祀教帔舞帥而舞社

稷之祭祀教羽舞帥而舞四方之祭祀教皇舞帥而舞

旱暵之事嘆呼仇反又可肝反。樂師教國子小舞六

有異儒說多以此舞師所教第四又三舞同惟彼干此兵與樂師所教大異況干兵異制干兵中一器兵則干盾等總名又不得相混邪考夏官司兵及司戈盾皆授舞者兵即此兵舞也干與盾亦異盾圓干方長銳上下平

稍狹兵戈盾之屬帔裂五采繪爲之羽析白羽爲之皇
析五采羽爲之三者皆有柄旱暵之事雩也暵熱氣既
教舞者至祭祀又帥之而舞也此山川社稷
四方雩祀皆不在國中故下以野舞言之
○凡野舞

則皆教之

凡小祭祀則不興舞

興作也上鼓師百物之神亦鼓其舞
知此小祭祀不興舞者乃祭祀之至

小

○牧人掌牧六牲而阜蕃其物以共祭祀之牲牷

牲音全
註六

牲牛馬羊豕犬雞鄭司農云牲純也按謂色純祭祀神
尊者必當其色次者但取色純下者用牝云共牲舉中
以包上下卑不必色純體必完具也五官各有牛人雞
人羊人犬人豕人等差擇毛體以共牧人至大祭祀卜
牲牧人又擇體完色純者共之應卜則與
充人養之大祭祀之牲則充人養之三月

凡陽祀用騂牲。毛之陰祀用黝牲。毛之望祀各以其方之

色牲。毛之

黝音幽。天神陽祀惟南郊用元日月星辰等陽祀則騂牲。地元陰祀惟北郊用黃社稷

五祀等陰祀則黝牲。望祀各以其方之色牲。天神則五帝之臣句芒五神配以五人。臣者各順春夏秋冬四方以祭也。地元則五嶽四鎮四瀆及東南西北四方之元皆隨方以祭也。不言南北郊五帝以下繫上毛之羽毛純色或謂祈穀亦騂牲。宗廟亦騂牲。予曰祈穀用騂魯用周之所尚。宗廟之用騂亦然。執此以駁神元之祀豈神元亦可束以本朝之制與。

凡時祀之牲必用牲物

疏上方色是隨其方色此牲物雖不隨方色其色須純不得雜也

凡外祭毀事用龙可也

龙模江反。註外祭表貉及王行所過山川用事者杜子春日龙雜

色不純毀副辜侯禋毀除殃咎之屬按若四方百物此即用不繫之牲者

凡祭祀其其犧牲以授充人繫之

註授充人殊養之按言犧牲體完毛純之牲其

神尊故用此祭之所以必授充人殊養之凡祭祀總陽祀陰祀望祀時祀等

○凡牲不繫者

共奉之

直共奉之不授充人也并不授監門故云不繫

○牛人掌養國之公牛以待國之政令

待祭祀賓客軍旅喪紀等政令也此

為下總綱凡祭祀其其享牛求牛以授職人而芻之

職如

字。註享獻也獻神之牛以祭者也按求索也求牛索祭之牛郊特牲索祭祝于祈蓋于廟門內設饌以求神

即詩祝祭于祈所用牛也職人職養牲者即牧人充人之屬芻養牲芻牛人擇公牛以授充人等芻養之

凡賓客之事其其牢禮積膳之牛

積子賜反。牢禮飧饗也積給賓客道路之食

者司儀上公出入五積侯伯四積子男三積膳掌客上公侯伯殷膳大牢子男特牛

饗食賓射共其膳羞之牛

食音嗣。諸侯射行燕禮無牛。天子禮異故得有牛。舉賓射。

見大射或謂膳羞庶羞也非正俎然經兼饗食饗食有牛。賓射亦有牛。俎不特庶羞矣。況庶羞不踰牲脚及

牛載牛炙牛膾皆因牛俎而始有乎

軍事共其犒牛

犒苦報反。鄭司農曰犒師之牛

喪事共其奠牛

註喪所薦饋曰奠按喪云奠者未葬不立尸膳食但奠置而停之故曰奠也

凡會同軍旅行役共其兵車之牛與其牽徬以載任公器

徬薄浪反。牽徬輶前及左右輓牛也。註人御之居前曰牽居旁曰徬按任貨物可擔負者器各鑿等器疏會

同軍旅兼言行役王行巡狩六軍從也兵車駕馬別有兩輶駕牛以載任器亦謂之兵車故云兵車之牛也

凡祭祀共其牛牲之互與其盆簠以待事

簠音老。鄭司農曰盆盛血簠

受肉籠註互縣肉格 按封人錯簡凡
喪紀賓客十四字似當在此節之下

○充人掌繫祭祀之牲牷祀五帝則繫于牢芻之三月註

牛羊曰芻三月一時節氣成按牲體完色純
繫于牢知設楅衡言祀五帝包昊天及地祇○享先王

亦如之凡散祭祀之牲繫于國門使養之散祭祀者四望

社稷或不必三月亦繫于牢而芻之可知散祭祀之牲
繫國門使養見非充人所養也國門城門鄭司農云使

守門者養之疏散祭祀之牲繫于國門使養之一旬之
內而已案楚昭王問于觀射父曰芻豢幾何對曰遠不

過三月近不過浹日則祭祀養牲得
三月及旬此散祭祀亦浹日而已

展牲則告牷肆師祭祀展犧牲祭義朔月月半親巡牲知

毛色體完具大祀之牲王亦展視矣告牷告體完具不言
毛自無損也○碩牲則贊王光遠曰碩大告體之充左

地官 充人 一

君牽牲宗人告碩充人贊之饋食禮宗人視牲告充
按封人錯簡凡祭祀飾其牛牲以下二十六字似當在
此節之下

周官心解卷第八終

周官心解卷第九

諸暨楊莊蔣載康闡訂

同邑駱遇隆校刊

地官司徒第二之四

○載師掌任土之灋以物地事授地職而待其政令

任土之灋

土有任負育物之能以其任任之之灋也物地事相視各土所宜如居民樹藝畜牧事授地職令以所物之事爲職也下國中園地近郊遠郊等惟主穀土而兼及園廛若於庶土無涉而凡任地一節乃及漆林可見此物地設職正兼庶土註文兼及虞衡得之

以廛里住國中之地以場圃任園地以宅田士田賈田住

近郊之地以官田牛田賞田牧田任遠郊之地以公邑

之田任甸地以家邑之田任稍地以小都之田任縣地

以大都之田任疆地

賈音古疆居良反。國中不殖穀惟爲廛里工商等所受以居家室

者此國中外城內也場圃場人所掌樹蔬果爲生業者以內皆是國中近郊六鄉之所居宅宅者卽大比所與賢能之士遊學成均而不任事如安宅而居者故曰宅者不任事故不賦祿而別以田養之卽宅田也土田工田之誤百工飭化八材國家器用所資亦別以田養之賈田賈人之田也此賈人非居貨求利者如市之胥師賈師司越司稽胥肆長及泉府賈人爲公家辦事者惟司市下大夫食采家稍與此無涉長男徐錦疑市肆諸人不過千百似無須另制一種田曰周制五十里有市甸地以內皆王治之此十六同中市不下百數矣卽以泉府賈人例之如天官之大府玉府職幣庖人典絲及

夏官之羊人馬質皆有買人而王使執玉幣以聘胥以買人從而買師于國之賣債又嗣掌其月況會同軍旅率屬以治市者又此賈師邪其人眾不下百工而且過之故田居近郊邊際而更多也官田庶人在官者其家所受田鄭氏可的據牛田固牛人所食外此則牧六牲之牧人養大祭祀之牲之充人牧百獸之圉人皆在地官當共食牛田賞田見司勳牧田則春官雞人秋官犬人冬官豕人尤眾則夏官之校人除二大夫食采家稍外若僕夫馭夫趣馬巫馬廋人牧師圉師圉人及馬質至極於數千而羊人養羊亦屬夏官服不養猛獸亦屬夏官掌畜養鳥亦屬夏官其他數牧之養繁更不在限也卽占地至多不又宜乎甸地皆公邑地十二同在六遂之外亦以遂法制之但分二千五百家爲縣或鄙或鄘或里所統稀少故以邑言言公邑別於大夫所封大夫有家故言家邑下於都也家邑皆方五十里稍在甸外合地二十同當封八十家邑縣地小都卽中都大夫所封以邑言故此云小都孤卿及開國功德大者之所封也小都方七十里縣在稍地外合地四十八同當封

五十六小都大都封三公及開國功德最大者封疆方一百里。置地在縣地外，合三十六同封大都亦三十六。凡任地國宅無征，園廩二十而一。近郊十一。遠郊二十而三。甸稍縣都皆無，無過十二。唯其漆林之征二十而五。漆音七。此任地賦法也。國宅王內城宅里，諸官公署外，至多者莫如士庶子所居。夏官量人所謂分國爲九州是也。此皆守宮守城爲王，綴衛外。此則賢能國子所居。若在市者，則賈師胥師司隸司稽諸人及府史胥徒之給事諸官者，此皆當居公廡，故無征也。此園廩，卽上經廩里任國中之地。場圃任園地是也。二者額皆二十而一。然廩之二十一數少，園之二十一數多。而園之二十一，第農人一夫四之一耳。以園圃多利而勞，一家所受不過二十畝而已足也。若外此十一、二十而三、十二、二十而五，則於遠近郊甸稍縣都漆林所取總數中，取其十之一、二十之三、十之二、二十之五也。蓋宅田等任近郊，則宅者工人賈人取其賦矣。遠郊任官牛牧賞田。

賞田、加田無國征、有征賦者、亦府史胥徒牛人牧人六鄉受賞家取之、惟甸地爲籍田所在、王六食及食中宮六宮並私人者、胥取給於此、然而祿內外三士士庶子者、亦在於此、則王食一家之外、仍不得爲己有也、若自稍至畛、以封三采、彼亦各置工賈、以下六種田、其甸地又割所封四分之一、以祿其卿大夫、受封者自食之外、又以祿其三士士庶子等、王又安得而多取之、此二十而一、十一、二十而三、十二之義也、上言任地、自近郊至於畛、胥以田言、則第主穀土已耳、而此經稍縣都之下、乃有漆林之征、是又及山林川澤諸庶土矣、愚以爲是舉漆林、以該三采之庶土、且又以漆林之二十而五、見三采所有庶土、王之所征、亦不出十二也、蓋王城以外、二郊甸地、庶土隨地而有、其賦統入於王、不必言征、額惟稍縣都所封三采、除名山大川大澤藪外、凡尋常山林川澤、卽隨地給之、因有二十而五之額、以別於諸庶土及穀土也、三子澄曰、漆林何以征重至此、曰、畿內百土聚於王城者至多、凡諸造作動資漆用、況漆生於山林、而山澤之賦以待喪紀、按諸王朝自大喪迄小喪

男女別異、尊卑辨等、無論棺槨龍輶之車、凡諸贈送、禮器樂器、用物武備、指不勝窮、漆之爲用、允至多矣、所由必二十而五也、又問園廬何以二十而一、曰、此在外城、業無他受、王所自取之賦也、其二十而一者、周家取民定於十一、而地賦與民職兩分於此、任地之賦取其半、合民職所取又半、正十一而稅、王外統九州、內君畿內、凡取於民者、胥定於此、又問王取三采地賦十二、民貢不取乎、曰、亦準地賦、地賦十二、卽民貢之準也、園廬在外城、國中地無別授、王得盡取於民、故與民貢平分、而全得二十之一、園之二十而一、園之地賦也、廬之二十而一、廬之地賦也、若近郊至置地、各有所授矣、胥當取其十二、而二郊獨異者、近郊除去國中缺田四百井、而三項之田、宅田必廬田之賦並給、此近郊所由僅得十二之半也、遠郊何以二十而三、遠郊田合三同、同皆九千六百井、本可足十二之數、然賞田中之加田、無十二國征、則亦全得二十而一之地賦矣、所由二十而三不及十二四之一也、任地之賦、取民以二十一爲額、取地以十二爲額、而遠近郊皆不足十二、故又以民貢

補之若國中園廩王所自取似可不拘額數而閭師亦
取足於民貢非止爲外城地狹不足以待賓客也蓋賦
於民者以二十而一爲定額取於地者以十二爲定額
法立自上與天下畫一之道也然則王取漆林踰額必
於山澤中減他項以平之矣周官征稅胥十一之法
授以廩里則廩里十一授以土田則土田十一然廩里
土田又分地賦民貢爲二民貢取於九職任民之稅也
卽大府萬民之貢以充府庫者也除三采以外胥王所
自取若地賦則任地之稅卽大府自關市至於幣餘之
九賦就庶土言名山大川大澤藪在天下者胥入於王
無論畿內若尋常庶土王亦惟取在遠近二郊及在甸
地者耳若平土王所自取者第在國中之園廩由近郊
迄置地胥有食之者卽上經可槩見也故以地予人以
十二爲額以地授民而取賦以二十而一爲定額以地
賦之二十一合民貢之二十一非卽所謂十一邪儒
說多疑鄭氏上公半貢王侯伯三之一貢子男四之一
貢謂周家至仁不應徵求之重至此故愚解大司徒文
全不取鄭氏謂公侯伯之封三采子男之祿其臣耳而

周官心解卷九

井田

四

四

經傳

王之取於諸侯苦無確實明文及審觀此經再三乃知內外畫一公侯伯子男胥以十二奉王不異三采之額也蓋周公立法取民皆十一地賦二十而一民貢二十而一合之則正十一取於有土者皆十二地賦取十二核之止於十一民貢取十二核之亦止于十一合十一者二亦十二耳內地如此外侯可知故外諸侯皆十二貢王此確然可信者也

凡宅不毛者有里布凡田不耕者出屋粟凡民無職事者

出夫家之征

鄭司農曰宅不毛不樹桑麻也布泉按宅

粟皆罰之里卽廬里里布一廬之布屋粟非三家之稅下地夫三百畝田下稅輕一夫受田之輕稅也職事均人地職地守中職事夫家卽夫婦二人周家授田五口始受一廬下地一夫僅夫婦二人所受里居田萊止一夫四分之一征稅至輕今此民所居地僻無與城郭要害之守無道路掃除聚棗等事又國家之事物產當共

者或非所有或地遠令不及焉所謂無職事也與九職任民全無交涉出夫家之征取下田地賦四之一不全取一家之賦也如鄭氏所註則罰大重而不能供矣豈周公之法哉

以時徵其賦各因其入時徵之並罰亦徵可知

○閭師掌國中及四郊之人民六畜之數以任其力以待

其政令以時徵其賦畜許六反下同。國中居王城者也

遠郊則六遂賦非地賦乃民貢也任力即公甸民貢與地賦平分徵於民者亦二十而一合地賦正十一而取

九職賦民通於天下閭師所徵止於國中四郊蓋國中載師僅取二十之一近郊取止十一遠郊亦二十而

三不足十二之額故復徵九職民貢以益之所徵之外皆充王府庫者也若甸地載師已足十二之額故閭師

不徵則皆充王府庫者外此稍縣都三采所徵王亦收其十二與地賦同

凡任民任農以耕事貢九穀任圃以樹事貢草木任工以
飭材事貢器物任商以市事貢貨賄任牧以畜事貢鳥
獸任嬪以女事貢布帛任衡以山事貢其物任虞以澤
事貢其物農原農兼山農澤農樹事統於場人蔣蔬果
之民註草木葵韭果蔬之屬按工居工廬爲
百工者商居市廬爲商賈者牧民居藪者以養繁爲職
嬪居民廬者包臣妾女事絲枲事包聚斂布帛絲枲所
成亦包蔬材衡山林之民包山虞此及虞民居山林川
澤所出者眾故以物言虞川澤之民包川衡此於大
宰爲九職在大府司會諸職卽九功之貢然此經任嬪
兼臣妾則二職合一貢任衡貢山物任虞貢澤物則一
職分二貢

凡無職者出夫布三子澄曰無職者卽轉移執事之民居
大宰九職之末者也布錢也無職者不

受地不執工賈等事無財物可貢故出錢也按此正稅
與前無職事大別蓋單丁未娶不授餘夫之田者故出
夫布而不
言家征
○凡庶民不畜者祭無牲不耕者祭無盛不

樹者無棹不蠶者不帛不績者不衰

盛音成衰七同反下同。此則恥之

以示罰也觀此知先王之世比戶皆田蠶樹畜無不勤
事而咸備以此任民則男女皆無游惰豐阜殷繁彬彬
禮讓於此操券可得矣

○縣師掌邦國都鄙稍甸郊里之地域而辨其夫家人民

田萊之數及其六畜車輦之櫝三年大比則以攷羣吏

而以詔廢置

此官專為三采設邦國王邦國都鄙稍王
畿都鄙稍也都鄙大都中都都稍小都此三

采所有郊里及甸而已界域不明慮有侵踰故特設此
官掌之固非王之甸郊里於外諸侯更無與也界畫明

考察乃易既分其界畫又於各界畫中辨之稽之則羣吏之優劣顯然矣此皆據簿籍而覆按之人民田萊數必相合家七人者田萊必百五十畝家六人者田萊必二百畝家五人者田萊必三百畝六畜爲養生糞田所資而牛馬尤重與車輦皆師田行役所必用羣吏三架中治民者縣師攷之詔廢置詔王及冢宰

若將有軍旅會同田役之戒則受灋於司馬以作其眾庶

及馬牛車輦會其車人之卒伍使皆備旗鼓兵器以帥

而至

官職三采而名縣師所居在縣地也掌稍縣都而居其中巡察易也前既分其域而辨之稽之而各

得其數至此調發而作之必無脫漏失誤之患此車輦夫家所具應調乃共之會合也卒伍徒卒民爲之車人

都中士庶子爲之

即射御車右然車人乘車而車亦出於民此車一曰縣師則會而合之帥縣師帥之至

司馬建旗所

凡造都邑量其地辨其物而制其域

量音良。造都邑，造大小中三等都邑，量

其地，量其廣輪大小也。辨其物，辨民居及穀土、庶土也。制其域，都鄙稍各有郊里及甸之域，制之令合度也。

以歲時徵野之賦貢

都鄙謂之野，此兼三采。都城內言不止郊里甸地也。賦，任地之賦，貢，民職

貢九

○遣人掌邦之委積以待施惠

遣，欲季反。委，烏僞反。積，子賜反。下同。施，式豉反。

鄉里之委積以恤民之難阨門關之委積以養老孤郊里

之委積以待賓客野鄙之委積以待羈旅縣都之委積

以待凶荒

難，古艱字。羈，吉漪反。○委積，山林川澤庶土

所徵也。庶土，在二郊甸地者。賦，全入王。在三

采者，王亦十中取二，與三采穀土同。自鄉里至門關皆

已徵，後隨地置之者。註，少曰委，多曰積。按，謂穀及禾芻

薪而以穀爲重恤糴阨卽鄉師司救以王命施惠者糴
阨民乏食及天患民病恤民糴阨自國中及甸而止故
用鄉里之委積老孤死政者之父兄及子弟凡此老孤
鄉遂及三采皆有周家至仁王皆養之門王城門及都
城門關疆地十二關也內外皆養故置委積於此賓客
羈旅則遠方至者賓客尊而羈旅與待之有別郊里之
委積在遂地者也野鄙之委積在甸地者也縣都上脫
稍字三采庶土王亦各取十二而置於其地者也凶荒
之賑恤大故合八十四同十中取二之賦除委人等所
取外皆存貯以待之故見憂民至意且置之於此不特
恩及畿內並外諸侯災患亦應之可知矣此周家之至仁也

凡賓客會同師役掌其道路之委積凡國野之道十里有
廬廬有飲食三十里有宿宿有路室路室有委五十里
有市市有候館候館有積道路之委積出於倉人者倉人凡國之大事共道路之穀

積食飲之具此賓客會同師役正國之大事故也與常
日道路委積截然不同註廬若今野侯徒有庠也宿可
止宿若今亭有室矣按侯館迎候賓客之館註一市之
間三廬一宿按古者吉行五十里師行三十里此三十
里有宿宿有路室此路室多蓋軍士所止宿也供之者
每室有之故止於委不及將帥所居舉多且將帥尊待
之當異等不止路室與委也吉行若諸侯來朝卿大夫
來聘此皆日行五十里者五十里有市故市置館以迎
候之候館以待賓客當大加豐厚故有積也君行師從
大賓從二千五百人卿行旅從大客從五百人惟小聘
則大夫所從止一卒百人然而所至必聚粟以衛之以
所操幣重不得少疏也此於市置候館既取供給易備
且市居民多尤不
慮守禦卑弱也

凡委積之事巡而比之以時頒之

比必里反○巡比防侵

發所儲蓄時亦頒發需時頒發如恤艱阨時頒鄉里之
委積養老孤頒門閭之委積賓客需時頒郊里之委積

霸旅需食頒野鄙之委積凶荒時頒縣都之委積也而道路之所需亦如是矣

○均人掌均地政均地守均地職均人民牛馬車輦之力

政政音征下同○地政任地之賦也地守城郭遠近郊公邑民居其地者守之地職民居其地之職事上有事乃共者如反道聚櫟及地產當共者皆是力政力役之征人民共役必備牛馬車輦以集事故曰人民牛馬車輦之力征也均之欲國中四郊公邑無輕重而得其平地地政庶土穀土之地賦有地賦即有民貢民麗於地言均地賦則民貢亦均可知且地守地職從地賦力征與絲枲從民貢既均力征豈有不均民貢者此古經之簡該也

凡均力政以歲土下豐年則公旬用三日焉中年則公旬

用二日焉無年則公旬用一日焉

此專就四項中一事言即力征中亦惟指

功役如修城郭門巷等事蓋民有歲豐歲歉之異而上
之功役必不可已惟用中年為準無年少用一日而豐
年之民增一日以補無年之缺以後無年者豐而豐者
轉歉則又以豐補歉乃所謂均也周家上中下三田及
邱乘共車亦如此

凶札則無力政無財賦

凶札大荒大疫非無年可比無力政并一日不用財賦大宰九賦中

關市山澤等賦財賦且無凡地賦民貢胥不征可知○不收地守地職不均地政
無年守財不足移役財用年豐補償至此則已之不收
償地職當收者指地產言地各有用而不可缺無年薄
征地之用不足取豐所征以供之俟豐乃償所謂均也
至此則以王之倉庫予之不取均也不均地征凶札無
所征也不取民貢可知

三年大比則大均

比必里反。總前二年豐地所贏歉地
所少令之一一償補無輕重之差是謂

天均也

○師氏掌以嫀詔王

嫀與美同。註告王以善道文王世子師也者教之以事而諭諸德者也

按以師名官以引王於善爲職也故掌以嫀詔王亦教國子國子將來輔佐王預教之於善也呂伯恭曰程伊川謂後世知求治而不知正君知規過而不知養德蓋後世未嘗不設諫諍之官以糾主慝而從容養德者則闕如焉師氏詔嫀專以從容和緩養君之德不幸有過則保氏之官在故二官皆言王舉則從聽治亦如之使人君既有所養又有所畏所以二者不可偏廢

以三德教國子一曰至德以爲道本二曰敏德以爲行本

三曰孝德以知逆惡教三行一曰孝行以親父母二曰

友行以尊賢長三曰順行以事師長

行下孟反。國子王太子以下至元

士之適子三德三行皆根本先資之教引之使日進而
極於至者也國子學道恐誤其所嚮至德則極至而無
以加之德如文王周公皆是以此教之自欣慕而趨向
端故以爲道本國子當勵行或甘於逸樂敏德則聖人
精勤不息之德如文王日昃周公待旦皆是以此教之
則於倫紀所當實踐者自勤勉而不惰故以爲行本國
子必去逆惡而逆惡不去由於不知孝孝德者天性之
本然其至極而眞摯者昭見於事父母以此教之則念
念以愛親爲心自得情性慈祥而深知某事爲逆某事
爲惡而不爲故知逆惡也孝爲百行之源教以孝行以
親父母則恭兄友弟忠君信友諸行自切而行之矣友
行者卑躬求友之行能尊賢畏長則損友遠而規勸之益
所資至廣順行者順從聽命之行順事師長則聽從惟
謹詩書禮樂之教脩身治國之道無不求之切至而得
其大
全矣

居虎門之左司王朝

註虎門路門門外畫虎司猶察察王
視朝有善道可行者則前以詔王

地官

師氏

一

卷之三

○掌國中失之事以教國子弟。中張仲反。國中失之事政事之善不善者也。

教之以國事之中使異日為法教之以國事之失使異日為戒。陳君舉曰教以德行立其根本教以國政使

通達治體

凡國之貴遊子弟學焉。貴遊兼所獻賢能未仕者說貴者國子遊則賢能未有職者亦優游

於道藝與遊侔不異故言凡以槩之

凡祭祀賓客會同喪紀軍旅王舉則從。從如字。註舉猶行也疏此數事王

行則從所在皆○聽治亦如之。註謂王舉於野外聽治按亦如虎門外司王朝

以教

使其屬帥四夷之隸各以其兵服守王之門外且蹕。蹕音畢。

疏屬卽上士府史胥徒等兵服東方南方其服布其兵
劍西方北方其服旃其兵弓矢蹕止行人按四夷之隸
卽秋官蠻隸閩隸夷隸貉
隸兵服無考門外路門外
營在內者也其屬亦率四
夷之隸守之如守王宮

○保氏掌諫王惡

註諫者以禮義正之文王世子保也者

保名官以保全王行爲職也兼教國子使異日居官無失行而養國子以道乃教之

六藝一曰五禮二曰六樂三曰五射四曰五馭五曰六

書六曰九數乃教之六儀一曰祭祀之容二曰賓客之

容三曰朝廷之容四曰喪紀之容五曰軍旅之容六曰

車馬之容

教六藝六儀皆所以養之於道日習六藝之

則不至身或放恣而離道此所謂養此亦所謂保也註
五禮吉凶賓軍嘉也六樂雲門大咸大韶大夏大濩大
武也鄭司農云五射白矢參連剡注襄尺井儀也五馭
鳴和鸞逐水曲過君表舞交衛逐禽左六書象形會意
轉注處事假借諧聲也九數方田粟米差分少廣商功
均輸方程贏不足旁要今有重差夕桀句股也註祭祀
之容齊齊皇皇賓客之容穆穆皇皇朝廷之容濟濟翔
翔喪紀之容纍纍顛顛軍旅之容暨暨諮諮車馬之容
翼翼匪匪

凡祭祀賓客會同喪紀軍旅王舉則從聽治亦如之使其

屬守王闕

王舉則從亦隨處保王也虎門外聽治諫
王惡在外聽治亦諫王闕巷門近路門者

○司諫掌糾萬民之德而勸之朋友正其行而強之道藝
行下孟反下同強技養反。德六德糾者切詞戒飭務
令進德也勸之朋友不能進德者又令有德者以友道

勸勉之行六行正之者六行之失教令歸於正也道藝
六藝息於學藝者勉之使勸於學藝也先王之勸善也
切至矣大司徒三物之教鄉大夫以下既有專官復
設司諫司救二職一主勸善一主教過立法允為至周

巡問而觀察之以時書其德行道藝辨其能而可任於國

事者

巡問觀察何等審詳巡徧巡其地問問孰為賢能

何等審詳德可書書其德行可書書其行道藝可書書
其道藝使三者皆書則可任國事者矣又必審辨其能
果具能也而後以異等書之必如此而後賓與所獻始
得其實也時書隨巡時即書知三年中書不一書也此
重教成之士也即
所以勸厲其餘

以攷鄉里之治以詔廢置以行赦宥

乃贊攷詔廢置赦宥

者三年巡行備得其實也鄉里據六鄉德行藝所教王
所尤重故特設此官首節使民益興於教次節輔賓與

之典令典舉無誤此節令
政治得實教職益修也

司救學萬民之表惡過失而誅讓之以禮防禁而救之
表邪同。救救之使不陷墨劓則官大辟五刑也邪惡
生性凶暴侮慢長老狼戾不馴者也過失行事放恣不
顧倫理酗酒鬪鬪者也誅即下罰撻之也讓數其罪而
責之讓之誅之而不改必陷五刑矣又以禮防之而使
之不決又以禮禁之而使之不犯防閉其情性禁禁其
行事防即下坐嘉石役司空禁即下歸園土皆所以救
之令不陷五刑也司諫第掌
國中近郊此職并遂甸掌之

凡民之有表惡者三讓而罰三罰而士加明刑恥諸嘉石

役諸司空註罰撻擊之加明刑去其冠飾書表惡之狀

以恥辱之既而役諸司空使事官作之坐役之數存於
司寇按民有表惡不遘罰也必三讓不改而後罰罰而

不改宜歸士矣。不遽歸士，必三罰不改，乃歸諸士。其歸士者，又不過加明刑，坐嘉石，役諸司空已耳。其人能改異日，仍得齒於齊民，而與鄉里之選先王之愛民也至矣。去冠飾而加明刑，使之坐於嘉石，役諸司空，以深恥其無禮。此則以禮爲防而救之。

其有過失者，三讓而罰，三罰而歸於圜土。圜土，獄城。過失，

故歸諸圜土，不詳收教等事。見秋官司寇及司圜歸諸圜土，以禮爲禁而救之也。去冠飾，加明刑，罰作而居圜土，使深恥其無禮，卽以禮爲禁而救之。

凡歲時有天患民病，則以節巡國中及郊野，而以王命施

惠。

天患，水旱民病疾疫也。民之艱阨，鄉師巡而施惠。鄉師不用節，此用節者，位卑因天患民病而施惠，亦救

民事國中，王城內郊，遠近郊野，甸地，節珍圭，典瑞珍圭，以恤凶荒。

○調人掌司萬民之難而諧和之

難乃旦反下同。註難相爲仇讎諧猶調也。

按司徒掌教教職之外置司諫司救幾無遺事此復置一和難之調人使民相讎者解怨惡而循循於致周詳

極至之

○凡過而殺傷人者以民成之

註過非本意也成平也鄭司農

云以民成之以鄉里之民共和解之

○鳥獸亦如之

王氏曰鳥獸畜產猛驚殺傷人也按并鳥

獸之殺傷亦立法制周詳極矣

凡和難父之讎辟諸海外兄弟之讎辟諸千里之外從父

兄弟之讎不同國君之讎眡父師長之讎眡兄弟主友

之讎眡從父兄弟

辟音避下同從才用反。註和之使辟不得就而仇之九夷八蠻五戎六

狄謂之四海主大夫君也疏兄弟及從父兄弟師長主友皆無子復無親於己者故據己親疏爲遠近若有子

及親於己則自從親爲斷復讎之法可盡五世之內五世之外施之於己則無義施之於彼則無罪所復者惟謂殺者之身被殺者之親屬得復之不得蔓延也按此經爲過而殺人者立法虞書有過無大康誥大舉非終乃不可殺過殺非本意原無死法欲申臣子之心而令遠辟使其人不得嗣守先業客死異鄉罰不輕矣不同國千里外海外三辟正斟酌忠臣孝子愛其君父之情而準唐虞五流三宅之典以立制者○弗辟則與之瑞節而以執之註瑞節玉節之受圭也和之而不辟不從王命也王以受圭使調人執之治其辜按言執辜不免矣不殺可知

凡殺人有反殺者使邦國交讎之

註反復也復殺之者欲除害弱敵也邦國交讎

之明諸侯得者卽誅之鄭司農云反殺重殺也按殺人反殺期無讎己者也令邦國交讎則行文天下皆得執殺普天之下無一人非讎矣聖人誅極惡之法也

凡殺人而義者不同國令勿讎讎之則死殺人而義其人罪本當殺如今

殺姦盜於室中律無罪也被殺之親屬安得讎之亦令辟諸境外以申臣子之心然僅不同國則辟亦不遠

凡有鬪怒者成之不可成者則書之先動者誅之鄭司農曰今二

千石以令解仇怨後復相報移徙之此其類也按鬪怒以怨憤擊鬪者也成謂人為和解之不可成而書之記

其人及鬪怒之事禁後動也如復鬪怒先動當罪故誅之也言誅因事科斷

○媒氏掌萬民之判註判半也得耦為合合其半成夫婦也喪服傳夫妻判合鄭司農云主萬

民之判合○凡男女自成名以上皆書年月日名焉反。鄭

司農曰成名子生三月父名之○令男三十而娶女二十而嫁註二

承覆之數易曰參天兩地而倚數疏王肅曰家語哀公問於孔子男子十六精通女子十四而化是則可以生

民矣。聞禮男三十而有室，女二十而有夫，豈不晚哉？孔子曰：夫禮言其極，亦不是過耳。男子二十而冠，有爲人父之端；女子十五而笄，有適人之道。於此以往，則自婚矣。然則三十之男，二十之女，中春之道，言其極耳。

凡娶判妻入子者，皆書之。

鄭剛中曰：判，夫妻反目分別而去。愚謂夫死失偶，亦判妻入子。

則此所娶者，與先夫之子俱來，觀喪服繼父三條，則判妻以子入者多矣。書娶判妻，防姦書入子別姓。

中春之月，令會男女。

中音仲。會如字。註：中春，陰陽交以成昏禮，順天時也。按昏禮成於昏時。

一歲中，惟中春昏時，在天十二宮星，與在地十二支神上下應合，故令會男女。此男女，三十之男，二十之女，會

合之使

成夫婦。○於是時也，奔者不禁。

奔，迅疾配合，苟簡捷速，不俟親迎者也。夫婦人

倫之首，配合必備六禮。至窘迫無資，男三十而不能娶，女二十而不得嫁，不特婚姻失時，并人倫將廢。且男女怨曠，不慮有淫佚之醜邪。聖人斟酌權宜，謂重倫而禮可輕也。特許三十之男，二十之女，不能以禮婚配者，得

親鄰說合卽成匹偶雖微禮不備亦聽之而不之禁非
許之慕說相奔就也則不禁奔亦惟三十之男二十之
女貧不能具禮者云於是時則中春以外雖三十之男
二十之女貧不能具禮亦禁其奔矣唐風綢繆三章
中春會男女之詩也何以知之三星大火也婚禮取昏
時中春心星初昏未見首章云在天則昏已過而見於
東方也比女踰二十嫁失時次章云在隅直東南隅去
昏時愈久比男女配合交失時末章云在戶戶在中室
東隅而見三星則宵分矣比男踰三十失時娶也詩所
云見此良人主女見男見此桑者男見女也作詩時王
道已衰中春之令不克時舉則男女踰三十二十而不
得婚配者多矣所由憫其失時也次章再言邂逅邂逅
者擊幣不行男不親迎女無送使也然則邂逅直奔而
已矣大司徒荒政十曰多昏蓋婚配爲人道之大而
貧家多不能舉禮乘凶荒殺禮時令簡省成婚此時不
特令三十之男二十之女得權宜配合卽男未三十女
未二十亦得配合既使貧男有婦資其○若無故而不
內助又使貧女就養夫家不至所失也

用令者罰之

令會男女之令故三十之男二十之女值父母喪也若無父母喪服而不會是拘其

小而廢人倫之大天地安用此孤男孤女不生不育者罰之正禁其不會也

司男女之無夫家者而會之

司察也既令之會又罰其不會仍恐有不會以致後時者

乃一一伺察其二十無夫三十無家者令會之欲令無一男一女之怨曠也仁哉

凡嫁子娶妻入幣純帛無過五兩

純註作緇。註純實緇字納幣用緇婦人陰也

禮必用其類五兩十端必言兩配合之名十者五行十日相成士大夫以元纁束帛天子加穀圭諸侯大璋雜記曰納幣一束束五兩兩五尋則每端二丈疏凡嫁子娶妻含尊卑但云緇帛主庶人耳行禮用制幣丈八尺取儉易供昏禮取誠實之義故二丈整數按恐過費難供或廢大倫立此一定之制凡統民以上無過禁其過也女家嫁子幣亦準男家恐艱窘不能嫁

禁遷葬者與嫁殤者

遷葬生時已納徵男女未合婚皆死葬則遷兩處之柩而合之使死爲夫

婦也嫁殤女已納徵未嫁而男死殤女不肯他適父母聽之使歸殤子家爲婦者也

凡男女之陰訟聽之于勝國之社其附于刑者歸之于士

註陰訟爭中葬之事者勝國亡國亡國之社奄上而棧下使無所通就之聽陰訟明不當宜露按聽媒氏聽此陰訟也附於刑亦聽之而課其罪歸士刑之亦媒氏歸之士也士司寇之屬

○司市掌市之治教政刑量度禁令

註量豆區斗斛之屬度丈尺也按亦包權

參劉原父說治理萬民交易之法教謂使三市信義不欺政平百物聽訟獄刑戮盜賊懲姦僞禁壞法亂俗之物不償於市令宣教立政之事必憲於民

以次敘分地而經市

註次吏所治舍思次介次也若今市亭然敘肆行列也經界

○以

陳肆辨物而平市

註陳列辨物異肆按令物之美惡不混即直之貴賤難欺而市價自平

也

○以政令禁物靡而均市

物靡物侈靡者買者多貴而無用能使用物買者少

而價賤禁不得賣則市價均也

○以商賈阜貨而行布

賈音古下賈民商賈賈師同

註通物曰商居賣物曰賈阜猶盛也鄭司農云布泉也王光遠曰布權百物而通之貨不阜布無所通故以商

賈阜貨而行之

○以量度成賈而徵債

賈價同債音育。註徵召債買也物有定價則

買者來

○以質劑結信而止訟

齊津私反。註質劑兩書一札而別之按既書質劑

多少欠賒胥可憑信而矯誣無所施訟自息也

○以賈民禁僞而除詐

註賈民胥師賈

師之屬知物之情僞與實詐疏僞據物言詐據人言

○以刑罰禁蹙而去盜

蹙薄報反

去起呂反。註刑罰憲術扑

○以泉府同貨而斂賒

賒傷蛇反。註同共也民貨不

售敝而買之民
無貨賒貲予之

大市日昃而市百族爲主朝市朝時而市商賈爲主夕市

夕時而市販夫販婦爲主

昃音側本又作昃。註日昃
昃也百族必容來去商賈家

於市城販夫販婦朝資夕賣因其便分爲三時所以了
物極眾按主居物於肆而賣於客者也百族農工及山
澤藪牧園圃諸民以所有賣粥者下飾僞之禁民十二
工十二可見匠人市朝一夫據市中思次司市聽事旌
物賈處若列肆則居地又多矣此三市各於一院
內爲之皆有市朝大市於中朝市於東夕市於西○凡

市入則胥執鞭度守門市之羣吏平肆展成奠賈主旌

於思次以令市市師泣焉而聽大治大訟胥師賣師泣

於介次而聽小治小訟

奠音定又如字奠賈之賈音嫁
上時掌反思註作司○凡市入

凡三市市者皆入市也門市外門各肆門胥二肆一人其人甚眾令守各門使姦偽盜賊不得更出入執鞭度令出入以正繫鞫爲鞭因刻尺寸以爲度也羣吏各介次胥師賈師肆長肆長辨物名實陳於各肆不使混淆胥賈二師又展其已陳而定其賈所謂展成奠賈也言展成貨賄當易處者必更置矣土旌於思次旌物賈於思次令賈者望見至肆交易也市師卽司市三市各有思次介次每二十肆中有之市師聽大治大訟胥賈二師如遇大治大訟則土之市師思次介次殆張次而居之註思司之誤胥執鞭度威正人眾○凡萬

民之期于市者辟布者量度者刑戮者各於其地之敘辟音闕。物皆別肆分陳民賣買各就其肆辟布量度刑戮皆由市吏辟開辟令布遠行泉府斂賒自爲一區量度吏操公量公度以核實又自爲一區○凡得貨賄刑戮市吏決罪又自爲一區各不混雜

六畜者亦如之三日而舉之註得遺物者使置貨於貨之肆馬於馬之肆則主求

之易也三日無識認者舉之
李茂夫曰
自大市至此皆以次敘分地而經市之事

凡治市之貨賄六畜珍異亡者使有利者使阜害者使亡

靡者使微亡音無。註使有使阜起賈以徵之使亡使微抑賈以卻之
李茂夫曰此以政令禁物

靡而均市也

凡通貨賄以璽節出入之通貨賄通諸侯國諸侯之貨賄通於王國王國之貨賄通於諸

侯也出入出入於王之門關註璽印章按璽節商賈執之以通貨賄者出貨賄授璽節入貨賄驗璽節司市所用璽節由司關給予司關掌國貨之節以聯門市此司關璽節侯國無之觀小行人達六節不及璽節可知也

○國凶荒札喪則市無征而作布有災害出產微恐商賈少物益貴不稅貨以招之金銅無凶年大鑄泉以市商所有令市物多而民可不困也陳及之日市既無征則物聚多物多錢重

錢重物反輕。非所以便商也。作布則物雖多而錢不重。商賈獲其利來者多矣。李茂夫曰。自凡通貨賄至此。以商賈卑貨而行布也。

凡市偽飾之禁。在民者十有二。在商者十有二。在賈者十

有二。在工者十有二。

賈音古。偽飾之禁四十八。皆賈師等辨之。民商工賈之偽各十二。

者。十二土物產不同。其飾偽各十二也。

李茂夫曰。此以賈民禁偽而除詐也。

市刑。小刑憲罰。中刑徇罰。大刑扑罰。其附于刑者。歸于土

憲罰。書其罪狀。縣思次以示眾。徇罰。書其罪狀。加諸背。令徧行市中。扑。以扑撻諸市也。若盜賊小罪。亦必扑罰。

○國君過市。則刑人赦。夫人過市。罰一幕。世子過市。罰

一帑。命夫過市。罰一蓋。命婦過市。罰一帷。

註。市者交利行刑之處。君

子不遊觀遊觀則施惠以爲說此王國之市而說國君以下諸侯於國與王同按罰幕帟帷蓋罰市當憲徇扑者罰此四物以爲市用若帷幕則思次介次通得用帟則思次所需諸介次不得用蓋亦司市乘車所用也參李茂夫說自市刑至此以刑罰禁越而去盜也至量度質劑司在質人陳肆辨物職之胥師賈師肆長成賈徵債掌諸賈師同貨斂賒專之泉府各於當官詳之

凡會同師役市司帥賈師而從治其市政掌其賣債之事

賈音古。註市司司市價買也會同師役必有市大眾所在來物以備之按尤防軍士強買致賣者不至

○質人掌成市之貨賄人民牛馬兵器珍異質如字。註

珍異四時食物按時物之美者成其交也賣買書諸質劑則交易成

凡賣債者質劑焉大市以質小市以劑掌稽市之書契質

爲券書令分藏之。註：大市、人民、牛馬之屬，用長券；小市、兵器、珍異之物，用短券。稽，猶攷。按書契，卽今收票、欠票，亦書兩札，而刻其側，書契或僞造，亦可致訟。故又掌稽之。李茂夫曰：此以質劑結信而止訟也。

同其度量，壹其淳制。巡而考之，犯禁者舉而罰之。

淳，章純反。又音

準。杜子春曰：淳，當爲純。純，幅廣制，匹長，皆當中度。按同兼權，徧巡而攷之，恐不同。壹，犯禁犯不同，不壹之禁也。罰，罰其人，憲徇等。李茂夫曰：此以量度成賈而徵償也。

凡治質劑者，國中一旬，郊二旬，野三旬，都三月，邦國。蕃期

內聽，期外不聽。

註：齋券契來訟也。期內來治之後期不

中，城內至近郊六鄉也。郊，遠郊，遂地。野，甸都、大都、小都、家邑、邦國諸侯之國，此與秋官朝士聽治期日同。

○廛人掌斂市紬布、總布、質布、罰布、廛布，而入于泉府。

紬，音

次本或作次總讀如字。布、泉、紬、布、貨不入肆，積於次間。市官爲張帷幕，令居之以賣，則令出紬、布、肆長掌斂。總布則列肆之稅也。肆長陳貨賄，實相近者相爾所陳一肆，不出一人，布亦合稅，故曰總布。質劑皆官物，用之者出泉，則有質、布、罰、布。凡犯市禁之罰，泉、塵、布、貨物多不能一時傾賣，停諸邸舍而出泉，則邸舍停貨之泉也。杜子春謂無肆立持者，其稅總布，又改總作儻，如釐立之釐，竊疑聖主之世，必無此苛政。

凡屠者斂其皮、角、筋、骨，入于王府。

屠者及市珍異者，自有居肆之稅，此斂皮、角、筋、骨及珍異，則自以官泉斂之，蓋珍異不售，則久而腐敗，皮筋亦然，斂之正先王恤民之至意。

凡珍異之有滯者，斂而入于膳府。

註：滯如沉滯之滯，珍異不售，在塵久，則瘦漶腐敗，按斂盡爲買之，入膳夫以供王食，令民不拆資本。

○胥師各掌其次之政令，而平其貨賄，憲刑禁焉，察其詐。

偽飾行僨惡者而誅罰之行下孟反。刑憲徇扑外加士刑禁偽飾之禁飾行如賣柑者敗絮其中而金玉其外僨賣惡惡也序官胥師賈師二十肆皆一人是二者同居一次也然胥師所掌者政令平貨憲禁誅罰飾偽聽斷治訟皆政令也聽其小治小訟而斷之。

○賈師各掌其次之貨賄之治辨其物而均平之展其成

而奠其賈然後令市賈音古奠音定又如字其賈之賈音價。賈師掌次中物賈之治辨

物欲賈得宜令市正以賈令下禁貴儻恐其賈昂皆物賈中事也。

凡天患禁貴儻者使有恆賈賈音價。註恆常也若諸米穀棺木賄久雨疫病貴賣之

因天災害阨民使之重困也史直翁曰物價翔踊不可禁禁之則深藏而不出而求者益多價反愈貴雖有智巧何以弭之先王之市先知貨賄多寡有無之所在故能使必儻而市儻可使不貳故曰使有常價後世無法

以處徒肆刑威以禁之欲求其賈有常不可得已

○四時之珍異亦如之

疏此珍異

富人賤時豫儲後貴時賣之

凡國之賣債各帥其屬而嗣掌其月

鄭司農曰帥其屬更代直月均勞役按王

府所積不可置之無用令斥賣正節約以豐財也

○凡師役會同亦如之

疏從行所

在當直為官買賣也按亦帥其屬而嗣掌其月此則從司市也賈師與胥師同肆而國之賣債胥師不與師役會同亦不與蓋胥師掌政令治訟刑罰國之賣債在知物美惡貴賤會同師役市中之政令訟獄刑罰又非與賤者所得與也

○司寇掌憲市之禁令禁其鬪鬪者與其毆亂者出入相

陵犯者以屬游飲食于市者

疏薄報反。王光遠曰鬪者以力爭鬪者以口競易

彥祥曰：越者，虐物亂者，悖理。徐氏曰：出入陵犯，恃強以相陵，屬游飲食羣飲，敗禮。按司越所治，豪暴酗酒之徒，其事易見。故十肆一人。○若不可禁，則搏而戮之。搏禽之戮者，撻辱。

○司稽掌巡市而察其犯禁者，與其不物者而搏之。註：不

服視瞻不與眾同，按所操亦異常。司稽所搏，姦詭盜賊，其事須察，故五肆一人。

掌執市之盜賊以徇，且刑之。疏：市之盜賊亦小盜，徇扑而已。

○胥各掌其所治之政，執鞭度而巡其前，掌其坐作出入

之禁令，襲其不正者。杜子春曰：襲，掩捕。按正，市人坐作出入，而襲其不正，此胥之治也。胥

二肆一人，則所掌止二肆。然坐必正，作必正，出入必正。則市肆中皆閑以法，整肅同於軍制，安得不二肆一人。

邪。○凡有罪者，撻戮而罰之。註：罰，使出布。按凡，凡司越司稽所禁所巡而梗拒不

受搏者胥佐二司搏之始就拘故法重

○肆長各掌其肆之政令。陳其貨賄。名相近者相遠也。實

相近者相爾也。而平正之。

註爾近也。使惡者遠善。善自相近。鄭司農云。若俱為珠玉。

賈或百萬或數萬。別異令相遠。使賈人不得雜亂以欺人。參李茂夫說。此及胥賈二師所謂以陳肆辨物而

平市也。○斂其總布。掌其戒禁。貨賄必實相近。乃令合陳肆中。故稅亦共出。謂之

總布。肆長合斂之。歸質人以入泉府。

○泉府掌以市之征布。斂市之不售貨之滯于民用者。以

其賈買之。物媿而書之。以待不時而買者。買者各從其

抵。都鄙從其主。國人郊人從其有司。然後予之。

賈價同。媿音竭。

抵註作抵都禮反予音與。鄭司農曰物楊而書之物書賈楊著其物不時買者急求者也註抵實抵字抵本也謂所屬吏主有司是也疏征布塵人紬布已下之布並入泉府故總云征布也按此現物成交亦各從其抵防姦也都鄙包家稍郊包甸市之不售時所多物滯於民用非時所需以其賈買仍以賈師等所定買之不抑也官買無異於民買不特無折閱之患而且有利此先王恤民厚意仁之極至者也

凡賒者祭祀無過旬日喪紀無過三月

鄭司農曰賒賁以祭祀喪紀故從官

賁物按祭祀喪紀其事重故得賒官物非是或不賒矣祭祀常事故旬日還賈喪紀大變且費多故寬之得三月也

凡民之貸者與其有司辨而授之以國服爲之息

註有司其所屬

吏也與之別其物定其賈以予之疏不言都鄙主有司中兼之按息息泉上不取息於民償價外令服公家役

事以為息也。以國服為息。濟民急而僅役國事。民不虧財矣。

凡國事之財用。取具焉。歲終則會其出入。而納其餘。會古外反。

。泉亦財也。凡國事之財用。取具。凡國事需泉用者。皆取具於泉府也。夫泉府以鑄鑄為職。天下之泉。皆出泉府。其布行至廣。國事之用。取於是。誠無有不可者也。會其出入。總計入泉出泉之要。有餘納諸職幣也。

○司門掌授管鍵。以啓閉國門。管以閉。鍵以啓。王內外城門各十二。分掌於下士。每

門管鍵。司門掌之。授每門下士。令晨啓夜閉。

幾出入不物者。正其貨賄。凡財物犯禁者。舉之。正音征。幾不物。防。

姦。註正。讀征。稅也。陳及之曰。犯禁。犯司市偽飾之禁。民商賈工各十有二。

以其財養死政之老。與其孤。註死政之老。死國事者之父母也。按孤。其子弟幼者。

祭祀之牛牲繫焉。監門養之。

繫音計。監古銜反。疏散祭祀之牲不在牢。繫於門使監。

門養之不必三月也。監門門徒。

○凡歲時之門受其餘。

鄭司農曰。受祭門之餘。按監門

受之也。以其養牲加之惠疏。四時祭門非一。云凡以總之。國門十二時祭外。有所禱。故莊公二十五年秋大水。有用牲於門之事。

凡四方之賓客造焉。則以告。

造七到反。註造猶至。告。告於王而止。客侯逆。

○司關掌國貨之節。以聯門市。

註貨節。璽節。自外來者。案其節。書其貨。通之國門。國

門通之司市。自內出者。司市爲之璽節。通之國門。國門通之關門。參相連以檢猾商。按司關掌國貨之節。知門市所用璽節。皆出於此。司市司門皆用璽節。掌之司關者。在外故。司關與司門兼掌三節。於掌節見之。

司貨賄之出入者。掌其治禁。與其征廛。

疏司貨賄出入。卽上聯門市事。按治

令貨賄皆應用可市禁禁偽飾征貨賄之稅廛所○凡止邸舍之布出布如市之廛於此停貨故有廛

貨不出于關者舉其貨罰其人註不出於關私道辟稅舉其財撻其人

凡所達貨賄者則以節傳出之傳張戀反下同註商取貨於民間無璽節至關關

爲之璽節及傳有璽節亦爲之傳傳移過所文書

國凶札則無關門之征猶幾註無關門之征出入關門無稅猶幾察姦人出入疏兼言

門者門關同類無征亦同故於關并言門也

凡四方之賓客敬關則爲之告敬音叩註謂朝聘者也敬關謁關人鄭司農云國

語敵國賓至關尹以告

有外內之送令則以節傳出內之出內之內音納送令文書告司關令送逆者

自王國來以節傳出之自畿外入以節傳內之此用當是符節

○掌節掌守邦節而辨其用以輔王命

自畿內及諸侯凡官吏以事往來

庶出入市易何一敢自專行皆王命也特無所馮則不可行隨所宜用而授之節斯四達不倍矣辨用見下

守邦國者用玉節守都鄙者用角節

玉節卽桓信躬三圭及穀蒲二璧以玉爲

之角節用犀角玉節授五等諸侯角節授三等采地此都鄙專指在畿內者與小行人臣食邑所用管節小行人達之都鄙別彼都鄙諸侯之

凡邦國之使節山國用虎節土國用人節澤國用龍節皆

金也以英蕩輔之

使所吏反蕩吐黨反。註山多虎平地多人澤多龍按此使節授王使使

山國人國澤國所執小行人三節節雖不異則給邦國授其使者與此不同杜子春云蕩當爲帑以鬲器盛此

節或曰英

蕩畫圖

門關用符節貨賄用璽節道路用旌節皆有期以反節門司

門關司關三節皆給二官故列官於首下則二官用節之辨符節授受核勘璽節授司關掌之亦給司市司門所謂聯門市也道路之旌節至門司門授至關司關授受即核勘有期反節司門司關三節反有期日掌節察核之此三節分頒畿內皆門關所用次掌節於二官之後經義顯然

凡通達于天下者必有節以傳輔之註節為信傳說所齋

書通達於天下至諸邦國諸侯各授小行人所達諸節往必核勘故必有節

○

則不達註國土內之按此掌節之令也

周官心解卷第九終